

Gvangjsih Minzczuz Bau

广西民族报 ganhhau: CN45-0036 B.2021 Nd.1 Ng.27 liggaeuq gengcej nienz ndwenlab cibngux

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3459 geiz
Geiz neix 8 banj

Swcigih Minzczunghvej: Aeu Diuzsienq Cungj Nyinh Cunghvaz Minzczuz Caezcaemh Guhdaeuz Ndabaiz Hongsaeh Moq

1 nyied 21 hauh, Aen Hoih Swcigih Daihcibsam Gaiq Yinzda Baez Hoih Daihseiq youq Namzningz hai. Youq duenh hai hoih, gicej cam bouxfucwz Swcigih Minzczunghvej Gvangjsih youq "cibsam haj" guh hong minzczuz cunghgyau baenz maz saeh caeuq baenzlawz nda gij hong "cibseiq haj" daengj saeh.

"Cibsam haj" doxdaeuj, Gvangjsih cauhyuh minzczuz doxgiat baenaj guh haeujlaeg bae, mbouj dingzduenh hawj caezgya cungj nyinh Cunghvaz Minzczuz caezcaemh. Duenh neix, guh ndei hozdung angqhoh swcigih laebbaenz 60 hopbi; guh ndei hozdung angqhoh Bahmaj, Vanzgyangh, Dava, Gunghcwngz 4 aen swciyen caeuq Lijdangh Yauzczuz

Yangh daengj 5 aen minzczuzyangh baez daengz bi laebbaenz roeb 10 bi (lumj laebbaenz 10、20、30…… hopbi); gyonjcomz nda 27 ik maenz cienznagaenz hwnghat saujsu minzczuz; dawznaek haeujcoengh 54 aen yienh gungzhoj gunggeng duetgungz; dawznaek gungganq 105 aen mbanj miz daegsaek saujsu minzczuz, 78 aen mbanj saujsu minzczuz ndaej heuhguh Cungguek aen mbanj miz daegsaek saujsu minzczuz. Doidoengh 《Aen Diuzlaeh Hong Vahsaw Saujsu Minzczuz Gvangjsih Bouxcuengh Swcigih》ndaej ok; guh hong cauhyuh vah minzczuz caeuq Vahgun doxhuz caemh youq; guhsat 65 aen hanghmoeg baujhoh vah saujsu minzczuz, ciengigouq soucomz saw geq saujsu

minzczuz ndaej baenzsaeh moq. Gizgiz cungj gyaak dangj lingjdauj hong cunghgyau, yamq maenh doi gak yiengh hong cunghgyau ndaej baenzsaeh moq, daengjdaengj.

Duenh "cibseiq haj", Swcigih Minzczunghvej aeu Aen Swhsienq Sevei Cuiji Miz Gij Daegsaek Cungguk Seizdaih Moq Siz Ginbingz bae dazyinx, dangq diuzsienq hawj caezgya cungj nyinh Cunghvaz Minzczuz caezcaemh guhdaeuz guh ndei gak yiengh hong minzczuz.

Bineix dwg bi Cunghgoz Gungcanjdangj laebbaenz 100 hopbi, dwg bi daih'it hwnj din byaij roen moq aeu gizgiz hwnqguh aen guekgya yendaiva sevei cuiji, dwg bi hainduj "cibseiq haj", dwg bi daih'it comz-

rengz cauhyuh aenbuenz hwnghat moq, Swcigih Minzczunghvej yaek "hwnj din couh yamq vaiq, hainduj ceng daih'it" baenzneix buekguh, dangq diuzsienq hawj caezgya cungj nyinh Cunghvaz Minzczuz caezcaemh guhdaeuz, haenqrengz gyaak guh hong son'gyauq minzczuz doxgiat, haenqrengz coihauj gak minzczuz doxgyau doxrox doxyungz, haenqrengz lai vaiq doidoengh dieg minzczuz ndaej yendaiva, haenqrengz gyaak ciuq faplwd guenleix hongsaeh minzczuz, doidoengh hong minzczuz seizdaih moq ndaej hwnghat gig ndei, aeu baenzsaeh lailai angqhoh laeb dangj 100 hopbi.

(Liangz Cingz Vangz Veijyungj)



Yungzsuij: Raiz Doiq Angqcoux Cieng Moq

1 nyied 22 hauh, Liujcouh Si Gijvej Genhvej guh aen hozdungz ngoenzdangj cawjdaez "raiz doiq coux cieng moq". Gyoengq gijgenj genhcaz ganbu daengz Yungzsuij Myauzczuz Swciyen Vaizbauj Cin Mbanj Myauzczuz Dunghsuij, mbouj sou cienz raiz doiq, soengq doiq, gangj vah angqhoh hawj beixnuengx Myauzczuz caeuq lwnhgangj gij cingsaenz Daihcibgouj Gaiq Haj Cung Cienzhoih Aendangj daengj, angqcoux cieng moq.

(Lungz Linzi)

Bi' gvaq Gvangjsih GDP Beij Bi' gyai Caemh Duenh Gyalai 3.7%

1 nyied 20 hauh, Swcigih Dungjigiz, Guekgya Dungjigiz Gvangjsih Diucuz Cungjdui guhdoih fat siusik lwnh gij cingzgyang bi' gvaq daengx gih ginghei yinhhengz, ciuq gij soq guekgya caeuq Gvangjsih caez-

caemh suenq swnghcanj cungjiciz de, bi' gvaq daengx gih swnghcanj cungjiciz (GDP) 22156.69 ik maenz, ciuq gij gyaq ndaej doxbeij de suenq, beij bi' gyai gyalai 3.7%. Faen canjnieb yawj, daih'it canjnieb gyalai 3555.82 ik maenz, beij

bi' gyai gyalai 5.0%; daihngaih canjnieb gyalai 7108.49 ik maenz, beij bi' gyai gyalai 2.2%; daihsam canjnieb gyalai 11492.38 ik maenz, beij bi' gyai gyalai 4.2%.

(Cau Cauh Vangz Coz Hoz Swjyinz)

SIUSIK DINJ

● Guekgya Minzvej 1 nyied 19 hauh ok siusik, Gvangjsih Nanzningz Si Cinghsiu Gih, Bwzswz Si Dwzbauj Yen, Bwzswz Si Cingsih Si, Hocouh Si Fuconh Yauzczuz Swciyen, Liujcouh Si Yizfungh Gih, Gveilinz Si Siufungh Gih Gyazsanh Gaihda, Laizbinh Si Siengcouh Yen Majbingz Cunghyoz, Nanzningz Si Sihyanghdangz Gih Hwnghyangz Gaihda Cunghvaz Cunghlu Segih, Gveigangj Si Gangjbwz Gih Gveicwngz Gaihda Hozcwngz Segih daengj 9 aen dieg caeuq danhvei ndaej heuhguh daihbet buek daengx guek gij dieg caeuq danhvei guhyiengh minzczuz doxgiat baenaj.

(Cinz Yajnz)

● 1 nyied 22 hauh, ciuq aen hoih fatbuh sinhvwnz youz Nanzningz Haijgvanh caeuq Swcigih Sanghu Dingh guhdoi hawjghengz de ok siusik, bi' gvaq Gvangjsih gungh caeuq rog guek gaicawx 4861.3 ik maenz, beij bi' gyai gyalai 3.5%, beij daengx guek lai hwnj 1.6%.

(Loz Vanli)

● Ciuq Bwzhaij Si Lijyouz Vwnzdij Giz ok siusik, bi' gvaq Bwzhaij Si ciepe hekyouz ndaw guek 4120 fanh vwnzbaez, dauqfuk bi' gyai 78%; ndaw guek lijoyuz siuyungh 514 ik maenz, dauqfuk bi' gyai 74%.

(Couh Hungzmeiz)

● Ciuq cam rox, bi' gvaq Duh'anh Gungden Gunghsw hawj roengz 3.65 ik maenz hwnqguh aen gunghcwngz gajguh nungzvangj, daengx bi' guh 776 aen hanghmoeg, hawj 65 aen cunh daihgaiq 46950 vwnz mbouj you yungh dien lo, ok rengz coengh dangdieg 83 aen canjnieb banggunz guh nungzyez swnghcanj gya ndei, gya rengz hawj lajmbanj saenqhwngh.

(Liu Ginglingz)